

وليه دايمآ.. يا دنيا ..؟!!

وليه دايمآ يا دنيا ..؟

تستقوى ع الغلابه

وسايبه الساحة فاضيه

بس لصوت الديابه



وتطلعينا ع المسرح

يا دنيا بالف شكل

قوليلى امتى هافرح

ولا كله ذل

يا دنيا حرام عليكى

هو انتي ليه قلابه



مالكيش يا دنيا ماسكه

ولا لاقى معاكى حلول

الدمعة ف كل سكه

مهما أصرخ مهما اقول

عاملة لى فيها من بنها

نتسوى ع الجانبين

دا أكثر فرحه زمنها

فيكى يا دنيا يومين

خالفة دايمما وعودك بنت ستين كدايه



وليه دايمما يا دنيا

شجرك طارح جروح

أحزانى تحن ليا

تجبنى منين باروح

واقع يا دنيا ف عرضك

ومتعمليش نسايه..

ده انا كل خطوه ف أرضك

بتصحى جراح جوایا

وانا عودی لسة اخضر

قلب ملیان طیابه !!..

